

潞安府志卷三十八

藝文詩下

七言律

唐

送襄垣王君歸南陽別墅

韓翃

都門霽後不飛塵
草色萋萋滿路春
雙兔坡東千室吏
三鴉水上一歸人
愁眠客舍衣香滿
走渡河橋馬汗新
少婦比來多遠望
應知蟠子上羅巾

送李相公昭義平復起北宣慰員外副行

顧非熊

天井雖收寇未平所司促戰急王程曉馳雲騎穿花去
夜與星郎帶月行新詠盡題關外事故鄉因過洛陽城
時逢寒食遊人識竟說從來有大名

洛下送張曼容赴上黨召

杜牧

歌闕鐔殘恨却偏憑君不用設離筵未趨雉尾隨元老
且驀羊腸過少年七葉漢貂真密近一枝詵桂亦徒然
羽書正急徵兵地須遣頭風處處痊

送人歸上黨

薛能

燕臺基壞穴狐蛇計拙因循歲月賒兵革未銷王在鎬
桑蠶臨熟客還家罪微對岸漳邊雨堆阜鄰疆薊北沙

若到長平戰場地爲求遺鏃辟魔邪

金橋感事

吳融

太行和雪疊晴空二月春郊尙朔風
飲馬早聞臨渭北射鵬今欲過山東
百年徒有伊川嘆五利寧無魏絳功
日暮長亭正愁絕哀笳一曲戍煙中

題靈巖觀

呂崑

素衣邱壑寄生涯相近衡茅共幾家
臥聽松音臨水石坐看山色老烟霞
林中有鶴窺來客巖畔無人見落花
但把琴書消息過不須爐裏煉丹砂

元

萬松亭

李惟馨

山徑崎嶇彳亍行萬松亭上碧雲橫
虬枝直聳乾坤柱偃蓋高張日月擎
雨露林巒新節操冰霜庭院舊風聲
竭來坐此消閒慮酒興詩懷分外清

古寺

梵宮不計幾春秋埋沒金田枳棘稠
敝衲挂枝庭樹老頽床欹石洞雲留
古碑剝落龍蛇散破殿荒涼鳥雀投
爲問道林何處去斜陽衰草漫悠悠

明

中書省與吳伯宗唱和

郭翀

鳳凰城闕紫霄間，歷數丕承王氣還。
舊說圖書符洛邑，載瞻玉帛會塗山。
太平有象耕桑盛，邊奏無聞甲冑閒。
自古英雄躋盛美，願歌天保達龍顏。

和二仙廟原韻

杜 牧

樹壤村南翠屏下，烟霞晻曖古叢祠。
女流雙妹當年事，仙籍聯名或者疑。
紫府雲軒金鸞驚瑤池，宮闕碧琉璃。
有無茫昧忘言外，只在仙神聚散時。

謁衛公祠

葉 盛

曾於南廣拜靈祠，青潞於今復見之。
血食固宜垂永世，勲名何止冠當時。
閑花野草春風在，枯木寒鴉夕照遲。

亦有殘碑爲西嶽摩娑不覺髣成絲

西城夜月

周一清

壓雲百雉古西城玉宇秋高送月明烽火無驚邊境肅
山河不動泰階平一樽未扣袁宏舫千里空馳庾亮情
王事關心歸未得幾從天外望虧盈

熨臺春曉

王純

鼓角聲殘月漸回東風吹綠上層臺半簷暝色隨雲散
一片霞光送日來宮柳欲齊山雨歇林鶯未老野棠開
壯遊不怕春衫薄賸有花前濁酒杯

市橋

劉龍

六卿分晉歲華遙古跡猶存國士橋
流水落花愁尙在夕陽衰草恨難消
伯夷耻食周王粟仲父還登小白朝
萬古人心此忠義青留作姓名標

漳水春渡

姚太生

乘興徘徊古渡頭
潏洄東下是漳流
春風吹浪魚呶草
淑氣澄江鳥傍舟
簫鼓中流添秀况
晴嵐兩岸度清幽
塵心到此都消盡
載酒時來一醉遊

慈雲寺

張鐸

真澤祠前舊佛堂
俗塵不到菽花香
山連梯井韓關險
路出橋樓沾水長
白石依林窺醉客
紫雲如蓋鎖禪房

僧閑好事能傳意許我從今修石床

崇雲寺

萬壑中開小有天人傳卓錫已千年蒼烟一抹丹崖合
靈雨低從樹杪縣貝葉翻時龍護法蒲團定處虎叅禪
一區靜土乾坤設早入青蓮共往還

雲蓋寺

白馬來從天竺西寰中勝地盡招提浪仙曾借禪關隱
雲蓋因留蘭若題落日荒山迷草徑連天絕巘擁虹梯
雄文古剎消殘劫忍聽愁猿半夜啼

余吾驛壁

晉王

承恩重上帝王州極目郵亭豁遠眸四顧好山如擁戟
一天清露襲征裘風吹玉樹蒼龍活日照金尊紫氣浮
回首正堪歸宿處禁城遙在五雲頭

和前韻

于謙

行過礪亭望潞州四圍山色遠凝眸風塵滾滾迷官路
烟霧茫茫罩客裘龍躍天池雲氣合鷄鳴野店曙光浮
停車暫宿余吾驛一夜無眠不到頭

龍潭夜月

路王道

絳北高原古廟雄深潭澄徹月明中地連天黨行山近
源與崑崙翠水通坐望神龍時隱見行瞻烟藹滿蒼穹

早施甘澍從民欲潤物應參造化功

試士有感

暴孟奇

陽息陰消春欲來羣英濟濟列行臺柱題已許相如志
軒過應期李賀才桐植廊廟終作棟魚潛淵沼待轟雷
從今更努鷄窻力會看文光徹上臺

過百穀山偶題

王鐸

草逕通幽曲遶村路從石上躡雲根太行來脈中天近
炎帝神功萬世尊深谷風生松有韻巉巖雨過蘚添痕
更看千丈山頭柏長共青青古廟存

送邵文川

程應登

旌旆翩翩出太行
燕山樓閣迴蒼蒼
多袍遠帶風霜氣
螭陛深依日月光
直節自能追汲黯
青年應是陋馮唐
皇家求治真如渴
佇觀嘉謨入建章

春日同健齋諸丈謁禹廟

宿雨初晴飛鳥遲
孤村下馬謁神祠
龍蔥草樹橫殘照
寂歷莓苔上古碑
客子三秋瞻俎豆
生民萬載說胼胝
橋頭酒熟青帘颺
好解金龜醉幾卮

遊五龍廟

栗應麟

絕巘龍祠紫翠中
褰帷拂曉入巉巖
三山海氣蒸初日
萬壑松濤走半空
朝夕風雲隨世變
古今登眺幾人同

若知渡水尋花意始信桃源有路通

栗道甫夜過送別

謝榛

茅屋茶烟待客時山中別駕暮相期共逢昭代耽佳句
自笑殘年費苦思入夜星河林鳥定先秋風露草蟲知
坐談漸轉南樓月不盡離懷歸去遲

與周際巖同飲山樓得群字

長子城南坐夕曛風驅寒鴈北來群中原多賦誰知己
上黨孤懷此對君弔古疎才嗟老至憑高逸興醉宵分
萬年不改丹朱嶺聖帝垂名共白雲

同劉次山遊五龍山

出鄙乘時父老歡頻年稼穡問艱難邊功自不虛龍劍
客禮誰能重鵬冠地合千松山更秀天垂片雨日多寒
秋來逸興今朝醉老去新詩昇代看

同謝山人登長子故城得秋字

周斯盛

近郊疎雨坐來收帝子荒臺此尚留客裏風塵聊薄暮
眼前未忝自深秋欲尋幽賞移樽入擬共青酣秉燭遊
感慨知君多古意莫相蕭索賦登樓

任公祠

王穉登

蕭蕭遺象鎖荒祠尙憶孤身百戰時諸葛事繁那得久
留侯貌弱到今疑絳帷香氣衣冠暗石棟斜陽薜荔垂

曾是當年馳馬地，煙中往往見旌旗。

桃源梯支公碑碣

吳定

武陵曾到神仙宅，又過桃源隱士家。
天路有人皆種樹，春山無處不飛花。
六峯連袂開屏幃，二水雙翻燦錦霞。
空谷蛩音通上界，乘風時見五雲車。

暮春遊百穀山

祁順

百穀晴雲四面曇，尋僧應擬一停驂。
風松砢砢潄時鳴珮，烟樹霏霏晝擁嵐。
勝覽只留山作畫，幽棲偏愛石爲庵。
望來不覺牽詩興，春境撩人月正三。

登望雲樓

尹梁

時倚高樓對碧岑
雲山悵望思沉沉
秋風關塞征鴻遠
夜雨川原蔓草深
負米不忘千里養
斑衣獨繫百年心
翻憐遊子天涯外
愁聽寒城急暮砧

同李明府登熨斗臺時有微雨

王之相

危蹬岩巉拄杖攀
仙仙列御綠霞關
濕雲抱雨峯藏頂
空翠沾衣烟抹鬢
風月東山人騁展
觥籌北海客顏顏
茲遊若入王維畫
我亦嵐光點染間

高閣憑虛罩晚烟
河山揖拱興悠然
翠看平野青千壟
睡惹遙空彩一天
勝覓蘇黃真吏隱
遊同李郭小登仙
振衣似有凌雲氣
濡墨重賡司馬篇

李明府邀同城西觀水

把臂閒尋鷗鷺盟
顧瞻衣帶水盈盈
看來汪度渾無際
正見臣心一樣清
寥沆平橫濠濮想
勾勾似聽廣陵聲
中央睇矚思何限
漫掬涓瀾濯弁纓

輓崔琢如縣令

歲阨龍蛇帝奪賢
哀些重賦淚潸然
廿年桂藉魚穿卷
一月花封蝶化烟
唼咽風前悲向笛
蕭條月下冷稽絃
君家子玉司琅府
料得冰臺已證仙

閱邑乘訂訛

邑名始自漢興年
何與堯封不肖牽
子玉是官幽詎理

尾生旣死約誰宜江豬嶺豈魚緣木精衛山同石走鞭
訛以傳訛人耳食臨編閣筆一嫣然

國朝

壽文宗孫擯初先生

李甲黃

天下文章莫大此倬焉雲漢共昭回驪黃外相驚天眼
軋茁中消詘鬼才一線河汾衍夏土千秋卿旦爛堯臺
載歌晉進徵於變壽考不忘嘉穀來

檀雲思歸

誦古嘗欽歸老橋云胡自弗整還鑣青山知憶批莎屐
綠野空懸醺葛瓢覩馬莊生懷旣適猶龍老氏德非僞